

OKÉ TAKE AWAY

**NOS SPECIAL
JAN. 3**


746-3571

S  **LO**

**BRIYANDO FUERTE • TRECIENDO CLARIDAD
DIARAZON 3 JANUARY 2024**

Di Pueblo

**DISCURSO
NACIONAL DI
PROME MINISTER
DI ARUBA EVELYN
WEVER-CROES**




WWW.SOLODIPUEBLO.COM



SOLODIPUEBLO@GMAIL.COM

**ANALIS DI 30 DI DECEMBER
2023 PA 2 DI JANUARI 2024,
327 PERSONA A WORDO
ATENDI DEN CAMBIO DI AÑA**



**BON BINI
KHI-ZION:
NOS
PROME
BABY DI
AÑA 2024**



**HABITANTENAN A
DRENTA ACCION,
MOMENTO CU NAN
KERSTBOOM A PEGA
CANDELA**



**BABY TAWATA DEN AUTO
DURANTE UN HIT&RUN**



**POLIS MESTER A
HACI TRABAO DI
HUES Y ABOGADO
ENTRE UN EX Y UN
ACTUAL PAREHA**



**NISSAN VERSA A
DAL CONTRA MATA DI
KWIHI;
LAGANDO DAMA
CHAUFFEUR
SERIAMENTE HERIDA**



DIP: POR CUMINSA YENA Y ENTREGA PETICION DI KAVELS ENTRANTE 4 DI JANUARI 2024

Oranjestad, 30 December 2023 – Directie Infrastructuur en Planning (DIP) ta informa cu entrante Diaranson 4 di Januari 2024 formularionan di peticion pa Carnaval Kavel lo ta disponibel pa yena y entrega.

Con pa Aplica:

Tur persona interesa pa aplica pa un Kavel mester yena e formulario di peticion y entrega esaki na oficina di DIP.

- Download y print formulario di peticion cu lo ta disponibel na www.dip.aw entrante 4 di januari 2024.
- Cada formulario ta consisti di 4 peticion. Mester corta esaki den 4 prome cu entreg'e y yena bo informacion corecto y completo.
- Pega un zegel/stampia na balor di Awg. 4 na e peticion. Zegel/stampia ta disponibel na Post Kantoor na balor di 4 florin.
- Deposita e peticion den e buzón correspondiente na e loket di DIP den Hal di Infra Gebouw na Sabana Blanco 68. Prome cu deposita e peticion den buzón, percúra cu e peticion ta yena completo y corecto. Peticionnan incompleto of incorreto lo ser considera invalido.

Pa mas informacion y updates bishita nos website www.dip.aw of sigui nos riba Facebook. Detayes tocante e proceso di aplicacion di Carnaval Kavel, fecha importante, y cualkier anuncio lo ta disponibel riba e plataformanan aki.

31 DI DECEMBER 2023



Den ora nan di atardi, Centro Operacional Maritimo (MOC) a risibi un notificacion di un turista hende muhe cu a bai snorkel for di ora nan di mainta, i no a regresa. Den cooperacion ku Cuerpo Policial (KPA) su helicopter i tambe e boto 'Justice' i e avion DASH di Wardacosta, a bai busca e

persona den area di Commandeursbaai. E helicopter di KPA a logra di identifica e persona den laman. Otro turista nan a asisti e persona pa e por e sali for di awa. Personal di ambulance a transporta e turista pa risibi trato medico na hospital. E persona ta den bon condicion.

Carta pa abonado; CAMBIO DEN PAGO DI ABONNEMENT

Aruba, Januari 2024.

Apreciable Abonado, nos ta deseabo un bon 2024. Debi na restructuracion unda ta pono enfasis riba eficiencia, nos promer opcion di pago di abonado ta via un transferencia bancario. Tambe por paga cash na nos oficina of via atm.

Nos lo no tin cobrador mas cu lo pasa colecta na bo cas.

Informacion pa transfer:

Sunmax Printers

Sta cruz 110 Aruba

Bank: RBC

Account: 7700000100152447

Note: pone nomber y adres

Sea asina bon di tuma nota di e cambio aki. Pa cualkier areglo special, por tuma contacto cu nos na 585-9500

Solo di Pueblo



PAROKIA SANTA ANNA

Bisdóm Willemstad
Noord 16, Aruba

Pastoral Hubenil Noord

Pastoral Hubenil Noord cu Cena di Pasco

Den luna di december varios grupo y of organisacion ta reuni pa tene nan Cena di Pasco. Asina miembronan di Pastoral Hubenil Noord (PHN) a tene nan Cena di Pasco diahuebs, 28 di december ultimo, na Aquarius Restaurant. Pa PHN Hesus ta e unico rason pa celebr Pasco.

Cu esaki directiva di PHN ta haci uzo di e oportunidad aki pa gradici un y tur cu di un forma of otro a yuda y of apoya nos hobennan durante 2023 y ta desea pueblo di Aruba er general, feliz dianan di fiesta y un Prospero Año Nobo!



BON BINI KHI-ZION: NOS PROME BABY DI AÑA 2024



Riba prome dia di aña mescos tur aña, Aruba completo ta pendiente e prome nacemento di aña. For di momento cu 12'or di anochi a bati, tur personal di departamento di Maternidad tabata pendiente. Ta un tradicion cu Aruba ta pendiente pa sa ken ta bira e baby di aña y pa 2024 ela resulta un baby boy. E prome baby na aña 2022 y tambe na aña 2023 tabata un mucha homber. Durante celebracion di cambio di aña cu famia e awa a kibra di mama Kinberly

Capellan De La Cruz y ela bay hospital di biaha. Pa 4or y 30 minuut di mainta a yama bon bini na baby di aña Khi-Zion Capellan Bolivar. Un momento festivo pa Aruba y e famia di HOH riba e prome dia di 2024 ora di por a yama bon bini na baby di aña y duna pabien ne mayornan.

Cu alegria, mami Kinberly y tata Argenis a carga nan baby pa prome biaha. Baby Khi-Zion tin 2 ruman caba. Su ruman muhe Rizairah tin 4 aña y su ruman homber Aron tin 1 aña.

Baby Khi-Zion a nace cu asistencia di ginecologo dr. de Wit cu un parto natural. Siguientemente pediatra dr. Korver a haci su chequeo y awo mami y papi tin nan baby dushi den nan brasa carga. Baby Khi-Zion ta pisa 3100 gram y tin un largura di 50 centimeter.

Papi Aregnis Bolivar tabata presente henter ora y ta masha orguyoso di por a yama bon bini na su yiu riba e prome dia di aña 2024. Mami y papi ta super feliz cu nan baby ta saludabel y ta gradici dr. de

Wit, nurse Judelly Zavala y nurse Monique Baktawar y claro ful e team dinamico di maternidad di HOH pa a guianan durante e proceso durante y despues di e parto. Awo baby Khi-Zion ta sosega y pronto lo bay cas cu su mami y papi.

Famia di HOH ta gradici e diferente donacion haci na e baby di aña 2024 esta di Compra Trading representando Pampers y tambe Swift Distribution cu ta carga Johnson & Johnson.

E ultimo baby di aña 2023 tabata un baby girl cu a nace pa 8 or y 18 minuut di anochi y despues di Khi-Zion no a nace un otro baby ainda, pues un dia bastante trankilo riba departamento di Maternidad. E bunita zonidonan di Baby Khi-zion lo zona mane un rey riba e piso.

Un prospero 2024 na Aruba completo yen felicidad y salud ta deseo di famia completo di HOH cu semper t'ey!

DAMA(35) MERICANO CU TAWATA PERDI, A SER LOCALISA

Savaneta/Santo Largo - Diadomingo merdia Kustwacht a informa polis cu e dama(35) Mericano lo a bay snorkel y bo a regresa.

Elo a bay snorkel unda antes tawata Brisas Del Mar, pero despues di merdia no a regresa y aki su hende nan a bati a alarma ora cu a bay controla banda di lama y a haya su pertenencianan pero e mes no tey.


Avion di Kustwacht y tambe e Helicopter di Polis a cuminsa busca.

Algo prome cu 5'or di atardi Helicopter di polis ta spot e dama altura di e condominiumnan na Santo Largo.

Mesora polis ariba tera ta pidi ambulance cu urgencia.

Polis a logra sak'e for di awa y a pas'e over pa Paramediconan. Danki Dios segun informacion oficial su situacion ta stabil, e la wordo hiba pa Hospitaal unda cu lo haci chek up mas profundo.

No ta conoci kiko exactamente por a pase.



BABY TAWATA DEN AUTO DURANTE UN HIT&RUN

Driemasterstraat/ Rudolf Arendsstraat - Aña nobo marduga polis y ambulance a bay e crusada aki Driemasterstraat cu Rudolf Arendsstraat pa un accidente.


Akinan tambe tawata trata di un hit&run.

Na e sitio polisnan a topa cu un Hyundai Accent color blanco basta kibra parti dilanti.

E chauffeur a conta polis kiko a sosode.

Segun su version, e tawata bayendo direccion nort ariba e crusa aki y diripiente un auto a sali di Rudolf Arendsstraat dal contra dje.

Durante cu tawata bezig ta huy e la ranca un borchi di trafico tambe.



Ambulance a wordo notifica, debi cu den Accent tawata tin un baby. Aunke parse cu nada a


pase directamente, toch pa tur seguridad a laga Paramediconan control'e.

VARIOS PATRUYA MESTER INTERMEDIA, DEN PROBLEMA SERIO DI BISIÑA

Sabana Liber - Bispo di aña anochi, varios patruya a bay Sabana Liber unda lo tawata tin un problema serio entre bisiña.

Pakiko ta papia di serio, ta debi cu un di e partidonan cu lo tawata bou influencia por poco lo a dal yiu di su bisiña cu auto.

Esaki mas cu claro lo a lanta un tension unda cu ora a bay reclama esaki a escala, unda cu un lo a drenta cas di e otro cu menos bon intencion.



Pero na yegada di polis, e persona lo a drenta su cas bek.

Na e sitio nos por a compronde cu no aparentemente no ta problema biaha cu e homber aki ta causa problema.

No ta mucho duidelijk si keho lo wordo entrega contra e bisiña cu a causa e problema y tambe si algo por wordo haci, pa evita cu cos lo sugui escala. Esaki despues cu por poco e ta dal un mucha cu auto.

SALIENDO FOR DI ROTONDE BANDA DI DRIVE INN, CHAUFFEUR A PERDE CONTROL Y A DRENTA MONDI



Diabierna anochi a drenta informe di un accidente cu hende herida na e salida di e rotonde Balashi, mesora a dirigi tanto polis como ambulans na e sitio. Na yegada di e patruya a bin compronde cu ora e chauffeur a bay sali for di e rotonde ela perde control drenta mondi y dal den piedra grandi. Debi na e impacto e chauffeur a ricibi un kap na su frenta. Na yegada di e ambulans nan a atende e victima.

CHAUFFEUR A BAY KITA PA UN OTRO AUTO CU A SALI SU DILANTI Y A PERDE CONTROL DAL PALO DI SOSTEN Y CURA DI CAS



Diahuebs merdia a drenta informe di un accidente na Sabana Blanco, mesora a dirigi un patruya na e sitio.

Na yegada si e patruya a bin compronde cu aki ta trata di un accidente unda cu e chauffeur di un auto biña cu a sali su dilanti anto ela prrde control bay dal un palo di sosten y e cura di un cas. Mientras e otro auto biña no a haya ningun sla.

ANALIS DI 30 DI DECEMBER 2023 PA 2 DI JANUARI 2024, 327 PERSONA FUE ATENDIDO DEN CAMBIO DI AÑA NA DEPARTAMENTO DI EMERGENCIA DI HOSPITAL



Ya pa hopi aña Horacio Oduber Hospital ta haci un analisis di tur esnan cu ta acudi na Departamento di emergencia pa ricibi atencion medico sea prome cu aña bolter of despues cu yama bon bini na un aña nobo. Manera nos lema di HOH ta bisa “nos semper t’ey” y esaki nos ta para pe paso no ta importa dia ni ora, si cualkier persona mester di atencion medico, HOH t’ey pa Aruba completo. Pues un danki ta bay na cada miembro di e team na Hospital cu a traha e dianan di fiesta brindando cuida medico di calidad. Un fin di siman unda coleganan a traha duro pa asina atende tur pashent cu tabata interna of a wordo interna y tambe pashent cu tabatin mester di atencion medico na Departamento di emergencia.

E analisis di tur cu a acudi na Departamento di emergencia a cuminsa dia 30 di december 2023 pa 6am y a termina dia 2 di januari 2024 pa 6am. E cantidad total di persona cu a acudi pa sea ricibi atencion medico na Departamento di emergencia of dokter na warda tabata 327 persona. Aña pasa esaki tabata 361 y e aña anterior e tabata 326

pues por mira cu e total ta varia pa aña.

Di e 327 persona cu acudi na Departamento di emergencia, despues di a pasa e parti di pre-triage, un total di 165 persona a wordo atendi na Departamento di emergencia y 162 a wordo referi pa pasa cerca e dokter na warda. Interesante pa menciona si ta cu aunke mas hende a acudi na Departamento di emergencia aña pasa, e cantidad cu tabata berdaderamente pashent di emergencia e aña a aki tabata mas halto, esta 165 pashent compara cu 152 pashent di e aña anterior. E edad di mas abou cu tabatin mester di atencion na Departamento di emergencia ta un baby di 20 dia y e pashent di mas grandi tabatin 97 aña.

E aña aki a atende 3 victima di clapchi cu ta mescos cu aña pasa. Y aña 2021 pa 2022 tabata remarcabel cu no tabatin ningun victima di clapchi.

Un total di 165 persona a ricibi atencion medico na Departamento di emergencia cual 50 tabatin un of otro tipo di herida of lesion. Di e 50 personanan aki 11 tabata involucra den un accident di trafico, 7

persona den un incidente di violencia, 3 cu accident causa pa klapchi y 29 pashent pa motibo di por ehempel un caida, verzwik enkel, un corta etc. Tambe a atende 4 pashent pa motibo di intoxicacion. E otro 111 casonan tabata pa motibonan cu no tin di haber cu traumanan fisico manera por ehempel

dolor na pecho, dolor di stoma, sacamento, un of otro infeccion, reaccion alergico etc.

Di e 165 pashentnan cu a acudi na Departamento di Emergencia un total di 36 pashent a ser admiti na Hospital cual e pashent di mas jong ta di 1 aña y e pashent di mas grandi ta di 92 aña.

Team completo di Hospital kier desea henter comunidad un feliz aña 2024 yena di felicidad y salud na abundancia. Nos deseo ta pa bo ta saludabel pero si acaso bo mester di atencion medico corda manera semper nos team di profesionalnan na HOH semper t’ey!



SCAN ME



Ricibi factura 2024 via e-mail

**Bo tambe por ricibi bo factura digital.
Registra ta facil! Scan e QR code y yena bo datonan.**

**Entrante 2024 Serlimar lo cobra Afl 3,50 pa ricibi factura na cas.
Esaki ta cubri gastonan di imprenta y post.**

**Paga prome cu factura vence den 2024 pa evita e late fee di Afl 10,-
(Esaki no ta aplicabel pa tarifa di pensionado)**

Scan e QR Code y manda nos bo datonan

- Number y Fam
- Adres
- Number di telefon
- E-Mail

Serlimar

Prome Minister Evelyn Wever-Croes:

DISCURSO NACIONAL DI PROME MINISTER DI ARUBA EVELYN WEVER-CROES

Nos meta y prioridad pa 2024: Estabilidad – Progreso – Prosperidad – Inversion – Innovacion

Digno Pueblodi Aruba, apreciable concuidadanonan

Nos ta clausura un año remarcabel, 2023, cu nos a denomina “Aña di Union y Positivismo”. Ta un honor y un privilegio pa mi dirigi algun palabra na boso den number di Gobierno di Aruba, como boso Prome Minister.

Mi tin un sentimiento profundo di gratitud na prome luga pa e confiansa cu cada un di boso a pone den mi y den nos Gobierno pa a atende e desafionan cu nos pais a enfrenta y ta enfrentando tanto local, na cas, y tambe den Reino.

Na comienso di aña mi a menciona cu aña 2023 lo ta un aña cu lo inclui hopi cambio y sacrificio cu hunto nos lo tin cu carga. Pasobra mi tabata sa cu ta asina so nos por carga e peso di compromisonan financiero cu Aruba a keda cu ne despues di e pandemia, y e debenan di prome cu pandemia. Nos a enfrenta obstaculonnan cu a pone nos pasenshi y resistencia na prueba. Sin embargo, ta e momentonan aki ta demostra berdaderamente e spiritu di union y determinacion cu ta inculca fuertemente den cada Arubiano.

P’esey prome cu mi haci cualkier mencion di logronan financiero of economico di e aña aki, mi kier para keto na e prome logro: esey ta cu nos a para hunto, uni cu positivismo den un solo meta; e meta pa supera e dificultadnan hunto, pa mayan ta miho cu awe, y pa hiba nos pais padilanti.

Y ni cuanto forsanan negativo, cu interes ageno, de bes en cuando a purba distrai of destabilisa nos pais, nos a supera nan tambe.

Nos a logra pasobra e forsa cu ta guia nos desicionnan, ta e virtudnan di integridad cu nos Creador a crea nos cu ne den nos curason y mente, pa nos mira cu claridad y sinceridad, pa actua cu curashi y fe na bienestar, no solamente di nos mes, y esnan cerca di nos, pero na bienestar di henter nos comunidad.

LOGRONAN

Nos a logra nos metanan di recuperacion y

crecimiento economico. Institutonnan internacional a considera e recuperacion di Aruba, impresionante, sigur si compare cu demas pais grandi y chikito. Nos por ta hopi orguyoso di e logro aki, pasobra nos a logre danki na e trabou duro di cada un di e ciudadanonan cu ta biba riba nos pais. Como lider di nos pais, mi ta gradici bo pa bo aporte valioso den e recuperacion di nos pais.

Pero nos meta no tabata pa mira solamente crecimiento economico y recuperacion, esey tabata e forma pa logra e meta real; y e meta real ta crea cuponan di empleo pa mama y tata nan di famia, pa crea oportunidadnan pa nos hobennan desaroya y bira exitoso, pa trece tranquilidad bek den nos hogarnan. Nos a logra riba varios tereno:

E prome paso tabata pa trece nos finansa publico na orden, sino nos no por haci nada. Nos a presenta e presupuesto na tempo, cu un surplus cu ta cumpli cu tur norma. Cu esaki Aruba ta e unico pais den Reino cu pa dos aña consecutivo tin surplus riba e presupuesto cu ta asina necesario pa baha e debe nacional halto.

Nos turismo a crece y supera tur expectativa. Nos bishitantenan ta sigui encanta cu nos gran cordialidad, cu ta e grandesa di nos pueblo, manera nos Himno Nacional Aruba Dushi Tera ta bisa.

Danki na esaki, nos economia a crece mas di loke a wordo premira, cu a brinda nos e oportunidad di haci inversionnan cu pa hopi tempo no tabata por, teniendo cuenta cu un balance entre inversion y nos medio ambiente. Inflacion, apesar cu e ta halto, a cuminsa baha y ta mas abou cu den otro paisnan den nos region.

Cremento di nos economia a crea cuponan di empleo y nos desempleo ta na e punto mas abou cu e tabata den 20 aña. E necesidad di empleo combina cu un maneho husto di integracion, lo sigui sostene e crecimiento di nos pais.

E retonan riba tereno di infraestructura a wordo atendi den 2023 pa asina e maneho den infraestructura tambe por sigui sostene crecimiento di nos pais.



Despues di hopi aña, enseñansa a mira inversion den un scol nobo, scol St Aloysius na Noord. Tambe a sigui mira inversion den innovacion a traves di e proyecto EduTec, como tambe restructuracion di henter nos sistema di educacion, cu contribucion di tur stakeholder.

Esaki, combina cu oportunidadnan nobo den deporte, a brinda nos hobennan mas oportunidad pa distraccion sano, specialmente awor cu e renobacion di e bunita stadion Guillermo Prospero Trinidad na Dakota.

E maneho riba tereno di husticia, combina cu cameranan di seguridad, Warda di Polis nobo, y ekipo pa Cuerpo Policial, a haci Aruba mas sigur.

Tur esaki a brinda mas posibilidad pa pone mas atencion na e ser humano. Atencion a bay na nos cuida di salud, y con pa preveni problemanan di salud.

Y pa bringa problemanan social den nos comunidad. Mas atencion a wordo poni especialmente di e dos gruponan mas vulnerable, nos adultonan mayor y esnan cu problema cu salud mental.

DISCURSO NACIONAL DI PROME MINISTER DI ARUBA EVELYN WEVER-CROES

Nos meta y prioridad pa 2024: Estabilidad – Progreso – Prosperidad - Inversion – Innovacion

continuacion di pag 6

E foro di Adulto Mayor a trece tur hende hunto pa prome biaha pa traha riba un maneho pa mehora calidad di bida di nos adultonan mayor na Aruba.

E crisisteam y fact team a wordo reenfora pa duna cuida y atencion mesora na esnan cu problema cu salud mental y nan famia.

Pues nos a logra nos metanan di recuperacion y crecimiento economico den 2023. Locual nos no a logra ainda e aña aki, ta pa e prosperidad aki yega den cada rincon di nos pais. Ainda tin famianan cu ta pasa den duro, cu mester traha dos, of hasta tres trabou, pa logra cubri e gastonan. Costo di bida a aumenta debi na e inflacion cu nos ta importa riba cada cos cu nos cumpra. Pa e motibo aki nos a aumenta salario minimo, y pensioen di biehes, y baha prima di AZV pa pensionadonan un biaha mas.

METANAN PA 2024:

**STABILIDAD – PROGRESO
– PROSPERIDAD
- INVERSION
– INNOVACION**

Esey lo sigui ta nos prioridad pa aña 2024. Pa consolida e crecimiento cu nos a conoce den 2023, pa duna e estabilidad cu nos mester den nos pais, den nos comercio, den nos hogarnan, pa asina e progreso y prosperidad por yega den hogar di cada ciudadano. Progreso y prosperidad crea a base di inversion y innovacion.

Meta di nos gobernacion ta pa nos logra establece un isla cu un economia productivo y stabiel, un pais cu por paga su debenan y alaves inverti den su futuro, pa crea oportunidadnan pa nos futuro generacionnan. Un isla cu un desaroyo sostenibel y husto, cu por brinda un calidad di bida cu salud, progreso y felicidad pa un y tur, especialmente pa esnan mas vulnerable. Un comunidad cu ta trata otro cu respet, cu tolerancia y cu ta inclui tur hende den e progreso y prosperidad.

E prome pasonan ya ta tuma, nos a logra pa nos pais recupera lihe despues di pandemia, awor nos ta sigui pa logra e meta pa cada ciudadano por tin un bida digno riba nos dushi Aruba. Nos a drenta un aña nobo, y esaki ta un oportunidad pa nos cada un fiha e metanan cu nos kier logra den e aña 2024. Mescos cu Gobierno a haci pa nos pais, cu nos kier estabilidad y progreso, nos cada un por fiha e metanan cu nos kier logra pa nos mes personalmente, pa nos famia, pa nos estudio, profesion of negoshi.

Na esnan cu a perde un ser keri e aña aki, mi ta desea hopi forsa, y ohala cu recuerdonan bunita di bo ser keri por trece maske ta poco alegria den bo curason.

Na tur e studiantenan cu a logra gradua, mi ta desea bo exito cu bo estudio of trabao. Aruba mester di cada un di boso, pa sigui guia nos pais. Na nos grandinan, nos

adultonan mayor, cu semper mi ta corda cu un sentimiento di gran aprecio pa e forma cu boso a construi nos pais, mi ta desea cu por pasa e dianan di fiesta den compania di sernan keri. Ban corda especialmente riba esnan cu ta hopi nan so, isola of hasta bandona.

Na cada famia cu tin su retonan, mi kier inspira pa tolera y perdona nos diferencianan, cada un di

nos ta autentico pero cu amor, hunto nos ta supera cada obstaculo of dificultad. Ban drenta e aña 2024, cu e mesun union y oositivismo, speransa, y fe den Dios, pa nos actua cu amor y respet pa otro. Pa traha cu sentido di lealtad y cooperacion pa bo organizacion, institucion y compania.

Aña 2024 ta bira e aña di estabilidad di nos pais,

pa Aruba por progresa, y pa asina e prosperidad y felicidad por yega den cada hogar na Aruba. Hunto nos a logra, y ta Uni nos por sigui logra! Mi ta gradici bo pa bo atencion, mi ta desea bo un bon cambio di aña, y cu aña 2024 trece pa bo y tur bo sernan keri hopi prosperidad y felicidad. Cu Dios bendiciona tur ciudadano di nos pais.

Smiles by
ERNESTO BERMUDEZ

**Experience
the Beauty of Precision**

**Porcelain
VENEERS**

Artista: Jeon Arvani

FREE CONSULTATION

+297 585 3255
+297 592 9398

PIEDRA PLAT 98 297 PARADERA, ARUBA

TRABOUNAN REALISA 2023

Minister di Enseñansa y Deporte

Endy Croes

Enseñansa

- ◆ **Proyecto di DATA:**
Hulanda a aproba 1.7 miyon florin pa realisa e Proyecto di Data, unda 85 scol di Aruba lo wordo conecta den un solo sistema na Departamento di Enseñansa Aruba.
- ◆ **Maneho di Idioma:**
A inicia e trayecto di Preparacion pa Alfabetisacion na Papiamento. Tur maestro di eerste klas y cabesante di scol ta ricibiendo un training. Augustus 2024 lo implementa esaki den tur eerste klas na Aruba. Un inversion di 1 miyon florin.
- ◆ **Financiamiento di Enseñansa:**
A contrata un register accountant, kende a traha un verantwoordingsprotocol y un accountantsprotocol conforme ley pa asina tur bestuur di scol por raporta conforme regla.
- ◆ **Proyecto pa Modernisa Leynan di Enseñansa:**
A contracta un experto di Hulanda pa yuda traha leyman cu falta y modernisa e leyman di enseñansa cu ta anticua. Proyecto aki ta den ful swing y Ley di Inspectie di Onderwijs cu nunca tabata existi ya caba a wordo entrega na DWJZ. .
- ◆ **Salario di docente:**
A instala un comision a traves di un "ministeriële beschikking" y ta trahando riba structura di salario di docente.
- ◆ **Proyecto Beca di Reino:**
Durante e 4 Landenoverleg a logra firma un acuerdo di e Proyecto Beca di Reino (Koninkrijksbeurs), unda Hulanda a aloca 500 mil euro pa e studentenan por haci intercambio (of stage) dentro di Reino Hulandes.
- ◆ **Strategic Education Alliance (SEA):**
Un grupo di consorcio di universidadnan di Hulanda hunto Universidad di Aruba lo haci un analisis riba e mercado laboral, asina por ahusta enseñansa na necesidad y nivel di e mercado laboral.
- ◆ **Proyecto Kibrahacha:**
Samen opleiden en professionaliseren di e docentenan di paisnan den Reino Hulandes. Tin un "samenwerkingsprotocol" firma y e proyecto ta canando hopi bon.
- ◆ **OAA Openbare Avondleergangen Aruba:**
A logra un acuerdo di colaboracion cu Aruba Food and Beverage Association pa prepara y educa e empleadonan cu kier traha den e sector aki cual tin nesecidad.
- ◆ **MOU:**
A firma diferente acuerdo beneficoso pa nos studentenan di Aruba cu college y universidadnan di Merca y Canada, entre otro, Centennial College, Sheridan College, Ontario Tech University Merca, Valencia College, University of Central Florida (UCF), Florida Institute of Technology (FIT), South Carolina, Coastal Carolina.
- ◆ **Avancen di Dienst Publieke Scholen (DPS):**
 - A firma un acuerdo cu SETAR, unda tur scol di DPS a haya fiber.
 - A conecta 20 scol di DPS riba un solo sistema di cloud.
 - A inventarisa mas di 100 ambtsjubileum cu tin retraso y den prome 2 lunanan di 2024 lo finalisa e proyecto aki.
 - A percura pa duna 30 docente cu tin derecho riba kindertoelage y cu no tabata ricibi esaki.
- ◆ **Proyecto di Kies Coach:**
A inverti den den Proyecto di Kies Coach, unda cu 11 instructor di Hulanda a bin Aruba pa prepara 44 docente di scol basico
- ◆ **CAAM-HP:**
A firma un acuerdo hunto cu colega Minister Dangui Oduber cu Caribbean Accreditation Authority for Education in Medicine and other Health Professions (CAAM-HP), cual ta un agencia di acreditacion cu lo acredita e universidadnan internacional di medicina estableci na Aruba.
- ◆ **Proyectonan di infraestructura di scol:**
 - A logra renoba St Aloysuis School cual a muda caba bek pa nan scol ful renoba. E contratistanan ta trahando riba e tokenan final.
 - A renoba dak di Scol Preparatorio Nos Paraiso.
 - Colegio Laura Wernet a logra cambia tur bentana na un banda y a recap e speelplaats completo cu asfalt.
 - Minister President Evelyn Wever-Croes cu e proyecto Futura a percura pa materialnan di digitalisacion, digiboard pa dicho scol.
 - A drecha 2 lokaal grandi di IPA cu tabata fuera di servicio, a cambia plafond, a cambia tur bentana y luznan y a logra pone nan bek den servicio desde augustus 2023.
 - A drecha y modernisa ful e sistema di coriente y a aloca 38 airco nobo y awo Souer Julliete (ex-Emma school) ta conta cu airco den tur lokaal.
 - A logra upgrade e sistema di coriente di Maria Goretti College pa asina por aloca airco den tur klas.
 - Hunto cu mas colega Minister y Universidad di Aruba como resultado di colaboracion cu UNESCO y Union Europeo a inicia e proyecto di renobacion di Maria Convent pa e proyecto STEM. Science-Technology-Engeneering-Mathematics. Un inversion di 5.5 miyon us dollar.
 - A renoba e gymzaal di Scol Basico Washington.
 - A aproba den 2023 den Presupuesto Supletorio 6.7 miyon florin pa un scol nobo pa Juliana School Mavo den e bario di Paradera.
 - A aproba den 2023 un suma di 2.6 miyon florin pa e di dos fase di construccion di Mon Plaisir Havo.
 - A aproba den año 2023-2024 un suma di 6.4 miyon florin como aumento di normbedrag structural y asina a haal in mas di 10 año di retraso.
 - Enseñansa a ricibi casi 16 miyon florin extra di inversion cu e ultimo 3 proyectonan menciona den año 2023.
 - Tambe a inverti mas cu 1 miyon florin den Biblioteca Nacional di Aruba. A cambia tur airco, kozijn y bentana, a drecha e dak cu tabata leak pa mas di 10 año.

Endy Croes



TRABOUNAN REALISA 2023

Minister di Enseñansa y Deporte
Endy Croes

Deporte

- ◆ **Stadion Guillermo Prospero Trinidad na Dakota**
A inverti mas di 4 miyon den renobacion di Stadion na Dakota cual lo keda kla pronto cu turf y track and field ultramoderno y certifica.
- ◆ **Seleccion Femenino di Aruba**
A hunga wega di Road to W Gold Cup di CONCACAF na cas: Despues di 12 aña Seleccion Femenino a hunga bek na cas.
- ◆ **Selecion Masculino:**
Selecion Masculino a hunga despues di 7 anja nan promer wega valido di Nations League CONCACAF bek na cas den Stadion na Dakota.
- ◆ **BMX Track na Parke Curason, Jaburibari:**
Hunto cu Lotto pa Deporte y FFD a instala seis (6) poste di luz nobo na e BMX (Bicycle MotoCross) Track na Jaburibari y asina organisa un campeonato international den luna di september.
- ◆ **Streetwise BMX Track na San Nicolas:**
Den aña 2023 a traha riba e pista di BMX Streetwise na San Nicolas. A haci trabou di limpieza y mantencion y a pone e pista bek den condicion operacional.
- ◆ **Basketball Court nobo na Centro di Barrio Dakota:**
Den 2023 a construi un cancha nobo di basketball na Dakota.
- ◆ **Comite Olimpico Arubano:**
A inverti den e edificio nobo di Comite Olimpico Arubano.
- ◆ **International Raceway Palomarga:**
Gobierno di Aruba hunto cu Lotto pa Deporte y Elmar a inverti den 26 poste di luz mas LED LIGHT ultra moderno. Un inversion di 400 mil florin. Den 2024 lo "recap" e pista completamente pa asina cumpli cu standard international y asina Aruba lo tin un pista di Palo Marga certifica pa e proximo 15 añanan.
- ◆ **Basketball Court na Sint Maarten Straat San Nicolas:**
Gobierno di Aruba hunto cu Lotto pa Deporte a renoba e cancha di basketball den Village. A renoba e hekinan, a verf e hut y e pista di basketball ta completamente renoba. Ta den fase final instalando luz.
- ◆ **Weganan Escolar WE Aruba:**
Hunto cu IBISA a organisa Weganan Escolar cu a resulta den un exito rotundo. Un total di 1000 alumno di 45 scol a participa. Mascota WIWI a carga e proyecto aki cu honor.
- ◆ **Inversion directo den nos atletanan**
Weganan Centro Americano del Cariba San Salvador 2023 y weganan Pan Americano Santiago Chile 2023: E inversionnan aki a conduci na e desaroyo y Aruba ta ganando mas medaya cu nunca antes!
- ◆ **Baseball in Paradise:**
Un bes mas a inverti den e proyecto deportivo Baseball in Paradise cu tabata uno hopi exitoso.
- ◆ **Aruba Open Beach Tennis 2023:**
Gobierno hunto cu ATA y varios stakeholders a brinda contribucion pa realiza e torneo di mas grandi den Caribe. Un torneo cu ta atrae mas di mil atleta international.
- ◆ **Premio Excelencia den Deporte (PED)**
Den 2023 a reconoce e atletanan cu mas a destaca den nan disciplina pa aña 2022. Un anochi magico yena cu emocion y alegria unda a honra e 130 atletanan nomina, a reconoce bintishete (27) entrenado pa nan contribucion den e desaroyo di deporte di Aruba. Tambe, a rindi homenahe na dies (10) baluarte deportivo cu a dedica gran parti di nan bida na desaroyo di deporte di Aruba.
- ◆ **Inversion den deporte durante anja 2023**
A inverti mas di 4 miyon den deporte den federacionnan directamente y mas di 5 miyon den infraestructura deportivo.
- ◆ **Weganan Interinsular (WI):**
Despues di shete (7) aña Weganan Interinsular entre e scolnan di Aruba, Boneiro y Curaçao ta tuma luga bek den seis (6) diferente disciplina.

Endy Croes



Polis mester a haci trabao di hues y abogado entre un ex y un actual pareha



Diabierna anochi a drenta informe di cu tin 2 muher ta gritando riba caya na


Modanza, mesora a dirigi un patruya na e sitio. Na yegada di patruya po-

lis mester a interveni entre e 2 muher- nan aki cual un ta ex y e

otro ta e actual pareha. Unda despues di tanto papiamento polis a logra

convence nan con pa nan atende nan asunto nan na un forma mas civilisa.

Accidente entre auto y electric step dilant Marriott Surf Club



Diahuebs atardi a drenta informe di un accidente cu hende herida dilanti Marriott Surf Club, me-

sora a dirigi tanto polis como ambulans na e sitio. Na yegada di e patruya a

bin compronde cu aki ta trata di un accidente entre un auto y un turista riba un electric step cual-

nan nan a dal den otro y e turista a cay herida su mes.

Na yegada di e ambulans nan a atende e victima y a transporte pa hospital.

Accidente pa falta di preferencia na crusada banda di CMB na Palm Beach

Diabierna atardi a drenta informe di un accidente na e crusada banda di CMB na Palm Beach, mesora a dirigi un patruya na e sitio. Na yegada di e patruya a bin compronde cu aki ta trata di un accidente pa

falta di preferencia unda cu un Kia Picanto bayendo nort no a para pa duna preferencia na e Chevrolet bayendo pariba y nan a dal den otro. Afortunadamente ningun hende a resulta herida.



FORTALEZA PA FAMILIA

Scirbi pa Pastor Marcel Balootje.

ALELUYA, NOS TUR TIN MESTER DI CRISTO HESUS DEN NOS CURASON



Na Dios tur e gloria, pa tur locual Dios a haci pa nos tur, pa Su inmenso amor, y Su misericordia riba nos bida.

No tin nada mas bunita ora nos curason ta yena cu Cristo, pasobra esey ta un garantia pa nos salvacion, y tambe cu nos por demostra cu nos ta sirbido di Dios.

Cosnan grandi y cosnan bon ta spera tur esnan

cu a entrega na curason na Cristo Hesus, pasobra Cristo

Hesus ta e caminda, berdad y e bida,

Pa asina Cristo por biba den boso curason pa medio di fe, y pa boso teniendo rais bon pega y fundan

den amor, por compronde, hunto cu tur e santonan, cual ta e hanchura, largura, y haltura y profundidad. Pa

conoce e amor di Cristo, cu ta surpasa tur conocimiento, pa boso wordo yena cu tur plenitud di Dios. (

Efesionan 3:17-18-19.

Samina boso mes pa wak si boso ta den fe, samina boso mes, Of boso no ta reconoce esaki di boso mes, cu Hesus Cristo ta den boso. (2 Corintionan 13:5).

Cu Cristo den nos curason, maldad tin menos chens, di haci impacto riba nos bida, pasobra e proteccion cual e sanger di

Cristo ta brinda na nos ta haci e trabao di e enemigo dificil, y mas cu tur cos e ta defende nos contra e maldad.

Pasobra e Sanger di Cristo cual a wordo derama riba Calvario pa nos picanan tin poder, y su poder lo aumenta cada dia pa esnan cu nan curason ta yena cu Cristo Hesus.

Den e mundo aki Malicia y Tentacion ta aumenta cada dia, tur locual ta maldad y inmoralidad ta

presente tur momento, pero ora nos tin Cristo Hesus den nos curason, nos lo vence pasobra Cristo tambe a vence maldad y inmoralidad.

Pesey Apostol Pablo ta recorda nos algo hopi grandi bisando: Mi a wordo crucifica cu Cristo, y no ta ami ta biba mas, mas Cristo ta biba den mi, y e bida cu mi ta biba awor den carni, mi ta biba pa medio di fe den e Yiu di Dios. Kende a stimami, y a entrega Su mes pa mi. (

Galationan 2:20).

Nos curpa ta tempel di Dios, caminda e Spirito di Dios ta biba, pesey e respet pa nos mes, nos curpa, y sin lubida tur locual Dios a haci pa nos, ta hiba nos na e lugar pa nos tin temor di Dios.

Pasobra boso a wordo yama pa libertad, rumanan, solamente no usa boso libertad como un oportunidad pa e carni, ma laga un sirbi otro pa medio di amor. (Galationan 5:13). Laga tin den nos e mesun actitud cu tabatin den Cristo, cual ta e gran humildad cu nos tur tin mester.

Pasobra no laga nos gaña nos mes, orguyo, arrogancia, rabia y falta di pordon, ta kibra nos relacion cu Dios, pasobra palabra di Dios ta bisa cu Dios ta

resisti e orguyoso ma ta duna gracia na e humilde. (Santiago 4;4-6).

Ta con por ta posibel un hende hinca den su cabes, di resisti e bondad di Dios, e amor di Dios, e refugio di Dios, y keda pega den tempo, practicando, tur sorto di malicia, inmoralidad y abominacion abominaciona.

Hesus a bisa : Ata Mi ta para na porta ta bati, si un hende tende Mi bos, y habri porta lo Mi drenta serca dje, y lo Mi cena cune y e cu Mi. (Revelacion 3:20).

Laga nos no sigi biba den e pensamiento bieu di antes, laga nos pidi Dios pa renoba nos mente, den Su perfecto boluntad.

Sinceramente, Pastor Marcel Balootje.

ORACION DI DIA



Un dia fructifero yena cu hopi bendicion.

Señor ta Rey, laga mundo ta contento y alegria bay di isla pa isla. (Salmo 97,1)

Rumannan, Señor ta Rey, Señor ta Salvador, Señor ta Redentor, e husto hues, E ta Mesias. Nos curason ta contento, yena di fe y alegria pasobra nos sa cu nos Cristo Hesus ta bibo meymey di nos. Nos Cristo cu a nace manera un baby y ta Rey di henter creacion. Cristo a bin pa biba ley, no pa cambia nada. Asina El a duna nos e ehempel bibo y instrui nos pa keda firme na loke ta real, berdadero y cu ta agada Dios. Nos Señor y Rey ta husto y ta stima berdad, husticia y rectitud.

Laga nos trata lo mas cu nos por pa cumpli cu loke ta ley di Dios y denuncia maldad. Esaki sin doblega pa cualkier liña di mentira cu ta trata di burusi (bruha) e unico berdad cu ta e Palabra y ley di Dios. Rumannan, alaba y duna Gloria na Señor cu ta nos Rey y Salvador.

Oracion: Tata Santo, nos Rey nos ta alaba Bo y duna Bo tur Gloria. Nos ta pidi Bo pa keda guia nos cu Bo Spirito Santo pa asina nos por ta fuerte contra cualkier cos cu kier burusi (bruha) nos mente y Bo gran berdad.

Nos ta desea pa tur dia di nobo por cumpli cu ley y amor. Nos ta pidi esaki den nomber di Hesus. Amen.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Auto preto chikito lo a dal meter di awa kibra y a sigi core bay, polis lo por detene y e lo por pasa cambio di aña sera!



Diabierna mainta a drenta informe di un accidente na Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda un auto preto chikito lo a pasa dal un meter di awa kibra lage ta



basha sin fin y a sigi core bay.

Polis a keda di bay wak e grabacionnan di camara

di seguridadnan den e area pa asina gara e chauffeur ey y pone tras di trali prome cu cambio di aña.

Chauffeur no a regula su velocidad ni a mantene distancia a bay dal tras di un auto na Paradera



Diabierna atardi a drenta informe di un accidente na pariba di e rotonde Paradera, mesora a dirigi un patruya na e sitio.



Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a man-

tene distancia a bay dal tras di e auto su dilanti.

Afortunadamente ningun hende a resulta herida.

PUEBLO A HAÑA SU PEN BEK
 Pa kualkier informacion
 colindin@nuehlo@gmail.com

PRONOSTICO DI TEMPO

VALIDO TE DIARANSON 03 DI JANUARI 2024, 18:00 ORA

TEMPO:
 AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO PASAJERO

POTENCIAL DI AWACERO PA PROXIMO 24 ORA:
 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:
 PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA;
 BASTA FUERTE DEN RAFAGA;
 TEMPERATURA (GRADO CELSIUS) MAX / MIN LO TA: 31 / 27

SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Ki Glorioso tawata e dushi mainta dia 25 di December 2023, ora hopi rond mundo a para keto pa reflexiona ariba e binida di Jesus, 2 mil anja pasa. E celebracionnan ya a cuminsa den oranan di marduga dia 24 di December. Lady Ruth y su casa a presencia e bunita sirbishi na Kerki den curason di Oranjestad, cu bunita musica di violoncello, canto, escritura, predicashi y terminando cu un ceremonia di bela sendi cu luz paga, como simbolo pa sigui hiba y comparti e luz eifonan.

Tradishonalmente a elabora e tokenen y e nificacion di Pascu riba e anochi di 24 di December, bispu di Pascu cu un otro bachi por bisa, ya cu mundo ta sigui lorra cu tur su ups and downsnan. Y pa despues di algun dia, nos drenta un anja nobo 2024 cu hopi gradicimento na nos mente, alma y curason pa por tin Jesus, e yiu di Dios y Mama Maria, como nos Salvador cu ta duna nos bida eterno spiritualmente. Su guia den e buki santu mas lesa rond mundo, cu coronan cantando Gloria na Su number Santu.

Aunke no ta tur hende ta kere y of acepta e milager aki, hopi di fe ta tene nan mes den e bon caminda pa medio di nan fe y nan bendicionnan ricibi diariamente.

Manera Domi Jan a bisa, tin algo special y hopi bunita e anochi aki di Bispu di Pascu, ta keto rond di nos, y hende ta sinti y sa cu ta algo bunita ta rondona nos. Nos tur mes-ter tin un

"houvast" den e mundo aki cu mentenan di hende un crenchi bruha tin biaha, y of ora nos hanja nos den situacionnan di cual nos no tin control. Naturaleza ta un di e creacionnan mas bunita di nos Creador, pero nos no ta comprende tur ora, por ehempel ora di orcan of otro desasternan natural cu ta interumpi e tranquilidad den nos naturaleza. Nos tambe ta sigui reflexiona ketobay ariba nos bida, con nos a bib'e te awor y si nos a stima y of yuda nos mes, nos famianan y nos

prohimonan ruman debidamente. Semper tin cu por hasi mas cu otro. Y semper tin cu tin menos. Balans ta un palabra importante den nos bida. Pero

nos emocionnan sa tuma over. Aruba ta un isla dushi bunita, hopi y hopi bendiciona, aunke cosnan sa pasa, manera ta pasa na otro parti di mundo. E mundo ta ketobay bunita den tur su splendor, ta nos como hende ta cambia di

pensamento y opinion y ta trese confusion y frustracion rond di nos. Lady Ruth y su kerido

esposo Johan, pa medio di e prestigioso medio di comunicacion aki, ta desea tur nos fiel

lectornan, un bon y felis 2024 cu salud na prome lugar. Nos sigui tuma y acepta e regalo dia, dia pa dia, sin ansha, sin tin pura. Den Lady Ruth su amistad bunita cu beautiful Aruba Ann, un hende muhe suave trankil pero fuerte y hopi inspira y cu e gentil cabayero, tambe profesional cu

curason, Nilton Lacle, ela sinyu hopi cos balioso y



bunita di bida. Mientras nos amistad di trio a saborea un dushi ajaka diki gordo cu dushi smak, nos por a comparti y papia di cosnan cu ta laga nos goza mas di bida y di nos famia. Lady Ruth ta gradici handsome Nilton y beautiful Ann pa nan bunita amistad di hopi anjas, still going strong, cu e peticion na Bon Dios pa bendicion den

2024 tambe cu su amor, guia, inspiracion y proteccion ariba e dos dushi hendenan aki y nan famia. Nan ta stima nan prohimo, Aruba y nos animalnan di berdad. Nan sa con pa stima nan

mes pa tin amor pa otro. Ban sigui cu e bon y bunita ehempel aki y nos tambe hasi nos best den 2024. Cu e luz di Jesus sigui ilumina nos cada un riba nos baihe den e bida aki y permiti nos sigui briya p'E den amor, talento y alegria!

Danki Aruba pa habri curason pa sigui lesa nos relacionan simpel pero cu amor den e anja nobo aki tambe. Nos lo sigui ofrece y duna un "Bearhug" diki gordo den 2024 tambe!

Especialmente pa nos grandinan cu ta lesa nos relato fielmente, un sunchi ariba bosu frenta!

Polis a laga motociclista na pia despues cu e tabata core cu brommer sin lus y sin helm



Diabierna anochi riba L.G. Smith Blvd. un oficial di e brigada motorisa a mira un motociclista coriendo un brommer sin lus y e motociclista sin helm, mesora a bay su tras pa atende pero ela sigi core bay pero otro oficialnan a logra par'e na

Sibelliusstraat y a atende cun'e.

Esey a coste cu polis a confisca su brommer y hasta ademas di esey un tremendo boet y tambe gastonan pa tow e brommer te na Sanicolas.

Nissan Versa a dal contra mata di kwihi; lagando dama chauffeur seriamente herida



Camacuri - Diadomingo anochi algo prome cu 8'or y mey ta drenta informacion cu un auto a baha caminda na Camacuri, y na stuur tin un dama.

Na yegada di polisnan me-

sora nan ta constata cu e accidente ta serio, mirando e impacto. Tawata trata di un Nissan Versa.

Ambulance a yega y despues di un rato Brandweer tambe, cu mester a

yuda pa saca e dama na un manera cuidadoso for di e auto.

Nos por a mira cu e dama tawata na tino y nan tawata papia cu ne. Pero, e tawata seriamente herida.

Despues di bastante papiamento, e team di bomberonan y paramediconan a logra saca e dama y pone den ambulance.

Polisnan di trafico na e sitio, mesora a cuminsa cu nan investigacion y ta muestra cu e auto tawata bayendo direccion pariba

ora cu pa un of otro motivo a baha caminda dal contra un palo di kwihi. Polisnan di trafico a solicita pa departamento tecnico pa saca algun potret cu nan lo mester pa nan investigacion y alabes debi cu ta trata di un accidente serio.

Chauffeur no a regula su velocidad ni a mantene distancia a bay dal tras di auto

Diabierna mainta a drenta informe di un accidente dilanti Wintergarden ma Savaneta, mesora a dirigi un patruya na e sitio.

Na yegada di e patruya a bin compronde cu aki

ta trata di un accidente unda cu un chauffeur no a regula su velocidad ni a mantene distancia a bay dal tras di auto su dilanti.

Afortunadamente ningun hende a resulta herida.



Trekkinglijst van de Landsloterij

Main table containing 1st, 2nd, 3rd, and 4th prize numbers for the January 1, 2024 drawing. Includes columns for prize tiers and corresponding winning numbers.

1ste trekking op 1 januari 2024
Waarvan proces-verbaal was opgemaakt en ondertekend door U. Pualetta namens de Directeur van de Gaming Control Board, de getuigen en de directeur van de Landsloterij.

Signature and name of drs. A.P.V. Guillermo

Table listing prize amounts for 1st, 2nd, and 3rd prizes: 1st Prijs (13828, 13829, 13830), 2de Prijs (9905, 9906, 9907), 3de Prijs (25083, 25084, 25085).

Alle prijzen zijn in Antilliaanse gulden.

UREN VAN UITBETALING:
CURAÇAO: 8.00 - 15.00 (maandag t/m vrijdag)
Tel: 462-4088
ARUBA: 8.00 - 12.00 en 13.30 - 16.30
Tel: (002975) 824784
San Nicolas: 8.30 - 16.00 (maandag t/m vrijdag)
Tel: (002975) 845200
BONAIRE: Maandag tot en met vrijdag
8 tot 11 uur voormiddag
1 tot 3 uur namiddag
Tel: (0717) 7047
ST. MAARTEN: 7.15 - 12.30
Tel: 0017215424536
SABA: s.v.p. bellen
Tel: 0017215228528
ST. EUSTATIUS: 0318-3368, 0318-3088, 0318-4051

Getuigen: S. Puriel, O. Nahr, www.landsloterij.org, LANDSLOTERIJ AT'ABO SA!

LANDSLOTERIJ AT'ABO SA! logo and contact information.

Habitantenan a drenta accion, momento cu nan Kerstboom a pega candela



Bomberonan a haci nan accion na Tanki Leendert. Polis a bay bek nan controlnan y despues zerne na Tanki Leendert.

Sudoku

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 31 Dec 2023 Merdia

LOTTO	Sorteo # 4139	1589	5405	1225
CATOCIL	Sorteo # 4139	0192		
MULTI-X	Sorteo # 2195	5180		
BIG 4	Sorteo # 4139	8244		
OFF	Sorteo # 2195	Cancer		
ZODIAC	Sorteo # 4139	626		
LUCKY 3	Sorteo # 1013	228342		
FP	Sorteo # 158			

LOTTO 5	Sorteo #	Joker	Letter
	0 x Jackpot	Proximo Jackpot	
	0 x Match 4+	240.000,-	
	0 x Match 4		
	0 x Afl. 12,00		

LOTTO DIA	Sorteo # 6345	02-08-11-14-29
	0 x Jackpot	Proximo Jackpot
	6 x Match 4	53.000,-
	132 x Afl. 8,00	

MEGA	Sorteo #	Mega Ball
	0 x Jackpot	Proximo Jackpot
	0 x match 4	330.000,-
	0 x Afl. 500,00	
	0 x Afl. 50,00	
	0 x Afl. 15,00	

MEGA MEGA	Sorteo #	Afl. 430.000,-
------------------	----------	-----------------------

Cachi Cachi
Sorteo # 158
228342

Tanki Leendert - Diabierna merdia den careda di 12'or alarma a wordo bati un biaha mas pa un cas na candela.

Esaki tawata na Tanki Leendert, area patras di un restaurant.

Brandweer mesora a manda un unidad, mientras polis tambe tawata bayendo e adres.

Na yega y for di leu caba bomberonan no tawata mira nada di huma.

Ora nan a yega e adres a resulta cu e habitantenan mes a drenta accion. A resulta cu tawata e kerstboom di e cas pa un of otro motibo a pega candela.

Pero debi cu tawata den dia y tin hende na cas a logra domina e situacion peligroso aki.